

智境界是故此法唯內所證是即無垢無染
 潔白清淨最上最勝第一無比常住堅固究
 竟無壞之法如來出世若不出世是法常住
 善男子菩薩為求此法歷百千種難行苦行
 故得是法得是法已令諸有情悉住此法善
 男子故說此法名為真如說名實際說名一
 切智說名一切種智說名不思議界說名不
 二界

七末

佛說除蓋障菩薩所問經卷第十 礎十

二經同卷除蓋障經二十卷 大方廣等經六卷 一快十卷 溪一

佛說除蓋障菩薩所問經卷第十一

之十二卷

經經藏教義疏卷之六 佛說除蓋障菩薩所問經卷第十一 譯

亦時除蓋障菩薩白佛言世尊此法云何能
 證云何能解佛言善男子出世間慧乃能證

入內自明解除蓋障菩薩言豈非慧證即是
 自心內解入耶佛言不也善男子何以故慧
 但如實能觀諸法由身作證故除蓋障菩薩
 言若諸善男子豈非以彼聞思修慧能證法
 時便能內自得解入耶佛言不也善男子非
 彼聞思修慧纔得聞時便能內自解入我今
 當以譬喻略明斯義善男子譬如大曠野中
 夏盛熱時或有一人自東而西復有一人自
 西而東當其炎毒渴乏所逼時西至人謂東
 來者我今極熱為渴所逼汝所從來善復途
 道何處當有流泉池沼清冷之水願為我說
 令我飲之除其渴惱其東來者善知東方所
 有道路亦復悉知有水之處其味甘美及深
 淺等即告之云汝今前去當觀一處有二道
 路出於左者不應當詣由於右者汝可往之
 彼有園林蒼翠滋茂中有池沼清流甘美衍
 漾彌滿善男子於汝意云何彼渴乏人饑聞
 說示有妙池沼起思念時便能除去渴惱之

患即能內自得清涼邪除蓋障菩薩言不也
世尊而炎渴人若親詣彼有水之處於其池
中飲其水已是人乃能除去炎渴內自清涼
佛言善男子聞思修慧非繞得聞便能內自
解入法性亦復如是汝今當知大曠野者是
生死境夏盛熱時受炎渴人即是一切諸有

情類極炎熾者即是煩惱六塵愛境善知路
人即諸菩薩善能知於一切智道其飲水者
即是內自入證解者得法勝味輕清甘美第
一義諦諸法實性善男子汝今當聽復說譬
喻假使如來住壽一劫於閻浮提一切人前
稱讚天蘇陀妙色妙香最上清淨精美之味

其所飲者得妙樂觸善男子閻浮提人聞如
是說於色香等內了知耶除蓋障菩薩言不
也世尊佛言善男子由是之故當知聞思修
慧非繞聞時便能內自解入法性汝今復聽
譬若有人於果實中知一果名自先食已與
未食人說其果味及色香等善男子於汝意

漢一

二

云何彼未食人而能了知其果味耶除蓋障
菩薩言不也世尊佛言善男子由是之故當
知聞思修慧非繞聞時便能內自解入法性
尔時除蓋障菩薩前白佛言善說世尊善說
善逝如是內證理法若有善男子能一歷耳
當知是人即能具足聞思修法何以故是人

已具不顛倒因故得此法佛言如是如是善
男子菩薩若修如是十種法者即得善解法
界之理復次善男子菩薩若修十種法者善
知空境界何等爲十一者知力空二者知無
畏空三者知不共佛法空四者知戒蘊空五
者知定蘊空六者知慧蘊空七者知解脫蘊

空八者知解脫知見蘊空九者知空空十者
知勝義空雖知是空亦不以其空因緣故而
於彼空有所得相亦不執空不起空見不依
止空復不以其空因緣故墮於斷見善男子
菩薩若修如是十種法者即善知空境界復
次善男子菩薩若修十種法者即能善修無

相之行何等爲十一者離外相二者離內相
三者離戲論相四者離一切徧計相五者離
一切有所得相六者離一切舉動相七者離
一切虛假相八者離一切所緣相九者離識
有得相十者離識所知境相善男子菩薩若
修如是十種法者即能善修無相之行

溪一

三

尔時除蓋障菩薩白佛言世尊如是行相是
菩薩修無相之行云何復見如來所修佛言
善男子當知此是不思議處何以故離心境
界故一切有情若謂如來有所思者彼即在
亂所有如來若此岸事若彼岸事乃至疲極
終不可見亦不可得所以者何如來之法不

可思議甚深難測莫究其際與虛空等超出
一切尋伺境界超出一切有所得相非諸惟
忖較計度量之所能及除蓋障菩薩白佛言
世尊我有少疑欲伸請問若如來應供正等
正覺見聽我問願爲略說佛言除蓋障汝今
當問斯爲常事除蓋障菩薩白佛言世尊諸

有自高之者乃非正士如何世尊爲大法王
今自讚說得非自高邪佛言善哉善哉善男
子而汝心志深固能發是問汝應諦聽極善
作意今爲汝說時除蓋障菩薩受教而聽佛
言善男子如來無我慢心亦不自高不爲利
養名稱所欲生於我慢亦不爲求人所知故
亦不起於諂誑心故生於我慢但以已所得
法廣爲利益安樂一切有情何以故欲令有
情於如來所發生清淨歡喜之心堪任法器
者令彼獲得一切善法使其長夜得大利樂
除蓋障菩薩白佛言世尊云何有情而不能
知如來勝德佛言善男子彼實不知何以故
此佛剎中諸有情類信解狹劣志著麤弊少
慧少信善根微渺而不能知如來勝德是故
如來乃自讚說所有功德意欲令諸有情發
生淨信能成如來諸勝功德善男子譬如
有人爲大醫師善療衆病國中第一無有倫比
然其國中不知是人明善方藥具醫勝德時

彼醫師見有疾苦所逼惱者即起是念是人疾苦不善方藥我今應當為其治療是時醫師詣病人所語其人言我是醫師明練方術善知眾病及病所因汝之病惱善為治療時彼病人聞是言已即於醫師起信重心而作依仗醫師即時為其治療病得除愈善男子

疾一

四

於汝意云何而彼醫師於病人前說已能解為自讚耶除蓋障菩薩白佛言不也世尊佛言善男子如來亦復如是為大醫王善療有情諸煩惱病知病所因施大法藥而諸有情為無明等諸煩惱病之所逼迫如來見已即詣其前稱說如來具勝功德令諸有情為其病苦所逼惱者聞說如來勝功德已能生清淨信重之心以佛如來而為依仗是故如來勝大醫王為彼病者施大法藥使諸有情煩惱重病咸得銷滅善男子何等是大法藥所謂多貪有情作不淨觀多瞋有情作慈悲觀愚癡有情作緣生觀以是緣故乃見如來自

讚勝德復次善男子菩薩若修十種法者得諸願離著何等為十一者雖行布施而有願求亦不著於布施二者雖持禁戒亦不著於持戒三者雖行忍辱亦不著於忍辱四者雖起精進亦不著於精進五者雖習禪定亦不著於禪定六者雖修智慧亦不著於智慧七

者雖依三界亦不著於三界八者雖求菩提亦不著於菩提九者雖行正道亦不著於正道十者雖入涅槃亦不著於涅槃何以故菩薩離諸所著雖於世間一切所行而悉無著善男子菩薩若修如是十種法者即得諸願離著復次善男子菩薩若修十種法者得慈

疾一

五

身具足何等為十一者無方分慈二者無種類慈三者法慈四者定慈五者不害慈六者利益慈七者於一切有情平等心慈八者等心無瞋恚慈九者周徧十方廣大慈十者出世間慈善男子菩薩若修如是十種法者即得慈身具足復次善男子菩薩若修十種法

者得悲身具足何等為十一者見諸苦惱無救無依無歸趣者菩薩見已發起菩提心二者發菩提心已求所得法三者歷苦勤求得法成已普為有情作大利益四者慳貪有情令行布施五者毀戒有情令持淨戒六者瞋心有情令修忍行七者懈怠有情令發精進八者散亂有情令住定心九者無智有情令修智慧十者菩薩為利有情故不以艱苦壞失退轉菩提勝行善男子菩薩若修如是十種法者即得悲身具足復次善男子菩薩若修十種法者善修喜行何等為十一者菩薩自得出離三有熾然故生歡喜二者為斷長時輪迴往來繫縛之索故生歡喜三者菩薩遠離種種尋求自己得渡生死海中諸惡雜類故生歡喜四者菩薩自己摧折久遠以來高慢之幢故生歡喜五者菩薩以智金剛自己摧碎煩惱高峯細無塵末故生歡喜六者菩薩自得安隱亦復令佗悉得安隱故生歡

喜七者菩薩於其世間貪愛執縛暗暝所覆不得自在長眠境中自能醒然睡眠明已亦復令佗悉能開覺故生歡喜八者菩薩自能解脫出離惡趣亦復令佗悉得解脫出離惡趣故生歡喜九者有情久處生死曠野險難之中獨行無侶周旋往返不知其道不識方所菩薩自能超出遠離而悉為佗指導開示故生歡喜十者菩薩得近一切智城故生歡喜善男子菩薩若修如是十種法者即善修喜行復次善男子菩薩若修十種法者即善修捨行何等為十一者眼雖觀色而行捨行亦不見眼識色境若增若減若成若壞二者陰一耳雖聽聲三者鼻雖嗅香四者舌雖了味五者身雖覺觸六者意雖知法而行捨行亦復不見耳聲鼻香舌味身觸意法諸塵若增若減若成若壞七者雖觀行苦而行捨行亦不見行苦若增若減若成若壞八者雖觀苦苦而行捨行亦不見苦苦若增若減若成若壞

九者雖觀壞苦而行捨行亦不見壞苦若增若減若成若壞十者觀所作已辦有情菩薩於彼生歡喜心乃起是念我欲度彼彼已自度故修捨行善男子菩薩若修如是十種法者即善修捨行復次善男子菩薩若修十種法者即得神通遊戲何等為十一者示現捨壽二者入胎受生三者現童子相宮中游戲四者出家五者苦行六者詣菩提場七者成等正覺降伏魔軍八者現寂靜相九者轉妙法輪十者入大涅槃

尔時除蓋障菩薩前白佛言世尊何因緣故菩薩示現堯率陀天捨壽乃至示現入大涅槃佛言善男子堯率陀天諸有情等多生常想而彼有情見菩薩於一切世間最上最勝而復高顯觀者無厭不為五欲境界所染能起捨壽而彼有情見已轉於常想生無常想由依止無常故即起不放逸行又復有情起放逸心者於菩薩所雖有愛樂信重之心然

漢一

七

於諸境生愛著故於菩薩所不來親近恭敬承事而彼有情乃起是念菩薩久住於此我亦久住生放逸心菩薩為欲令彼有情起於厭離得不放逸由能不起放逸心故即得不退轉於阿耨多羅三藐三菩提菩薩以是緣故於堯率陀天示現捨壽善男子若有有情應以入胎受生而可度者菩薩即現入胎受生之相令其見已生希有心菩薩處母胎中為彼彼有情如應說法令得不退轉於阿耨多羅三藐三菩提菩薩以是緣故示現受生善男子若有有情應以童子宫中游戲之相而可度者又以下劣信解諸有情類菩薩為成熟故為護持故乃現童子宫中游戲之相善男子若有有情應以出家之相而可度者菩薩為成熟故乃現出家之相善男子若有志著羸弊天龍夜叉乾闥婆阿脩羅等應以苦行之相而可度者菩薩為欲成熟彼故及為降伏諸外道故乃現苦行之相善男子若

有有情於長時中念求菩薩當於何時詣善
 提場我當隨應作供養事菩薩為欲成熟彼
 有情故即為示現詣善提場至善提場已令
 諸有情隨應供養作供養已而彼有情即得
 不退轉於阿耨多羅三藐三菩提善男子若
 有有情自恃我慢貢高菩薩為欲令彼轉於
 我慢心故現坐道場成等正覺降伏魔軍復
 為有情樂寂靜者便謂獲得勝上所證菩薩
 乃為示現成等正覺菩薩成正覺時三千大
 千世界種種音聲皆悉寂然而彼樂寂有情
 見是三千大千世界皆寂然已俱發願言願
 我亦復如是得成阿耨多羅三藐三菩提果
 善男子若有有情樂為師尊專志願求然不
 能知出離之法亦復不知後世因果菩薩為
 彼有情成熟善根令其堪任法器乃為開示
 正道故成正覺已詣迦尸國三轉十二行相
 聖妙法輪善男子若有有情應以入涅槃相
 而可度者菩薩乃為示現入大涅槃善男子

溪一

八

菩薩以是因緣示現兜率陀天捨壽乃至入
 大涅槃善男子菩薩若修如是十種法者即
 得神通遊戲

佛說除蓋障菩薩所問經卷第十一

佛說除蓋障菩薩所問經卷第十二

譯經三藏教義試讀卷之師賜紫沙門匡惟淨等奉詔譯

復次善男子菩薩若修十種法者能離八難
 何等為十一者離不善業二者如來所立禁
 戒而不違越三者遠離慳悋四者於先佛所
 植眾德本五者勤修福行六者知慧具足七
 者善解方便八者勝願具足九者多起厭患
 十者發勤精進善男子菩薩不造不善業故
 不墮地獄設或示現生地獄中亦不受彼地
 獄極苦復不久處地獄之中又不於彼有情
 生瞋惱心何以故謂以菩薩本性具修十善
 業故以是因緣菩薩不墮地獄又善男子善